



Le Premier [-sixieme] babillard dv temps : en vers bvrlesqves.

<https://hdl.handle.net/1874/362751>

LE PREMIER
BABILLARD
 D V
TEMPS
EN VERS
 BURLESQUES.



A PARIS,
 Chez NICOLAS DE LA VIGNE,
 près Saint Hilaire.

M. DC. XLIX.
 AVEC PERMISSION

LE PREMIER

BABILLARD

D V

T E M P S

E N V E R S

B A R L E S O V E S




A P A R I S

CHEZ NICOLAS DE LA VIGNIÈRE

PROPRÉTAIRE

M. DC. XLIX

1649



LE PREMIER

BABILLARD

D V

TEMPS

EN VERS

BVRLESQVES.



VISQVE Babillard on me nomme.

le ne veux espargner nul homme,

le suis saoul, & remply de vin,

le veux parler de Tabarin,

De Tabarin ce Mazinique,

Cet homme peruers & inique,

Qui n'a ny Dieu, ny Foy, ny Loy,

Qui a enleué nostre Roy,

Et fait assieger nostre Ville

Comme vn Meschant & Malhabille

Par ce grand Prince de Condé

Qu'il a enchanté sans tardé,

Qui a fillé, chose certaine,

Les yeux de nostre bonne Reyne,

4

Et qui comme vn mauuais garçon
A fait d'vne estrange façon
Plusieurs personnes empoisonner
Et les autres emprisonner,
Telsmoins la Motte Houdancour
Et Monsieur de Beaufort à son tour,
Et Broussel ce Grand Sénateur,
Et plusieurs personnes d'honneur
Qu'il vouloit toute chose certaine,
Faire mourir en tres-grand peine:
Comme il a fait mourir plusieurs
Dessus des eschafaux d'honneur.
Et mais à propos quand i'y pense,
Après boire on va à la danse,
Il nous faut quitter ce discours,
Et reprendre vn autre cours,
Et dire que dans la Prouance
D'Alais vouloit mettre en souffrance
Les Habitans & les Bourgeois:
Mais y demeura bien Caiois,
Lors que l'on saisit sa personne,
Qu'incontinent l'on emprisonne
Auec le Duc de Richelieu,
Qui a loisir de prier Dieu,
Et auec ses Camarades rire
Pendant qu'on saisist les Nauires
Qui estoenti à Marseille & Toulon
Pour s'en seruir auec raison:

Mais

Mais n'est-ce pas chose nouvelle
 De dire que des Damoiselles
 Ont mis l'espée à la main
 Le iour de Saint Sebastian,
 Et ont sauué la Bourgeoisie
 Que de les voir estois rauie.
 Pendant Messieurs du Parlement
 Font vnion veritablement
 Auecque Messieurs de Paris,
 Dont Mazarin est bien mary,
 Qui de colere & de rage
 Fait faire vn tres-piteux carnage
 Dedans le Bourg de Charanton,
 Oumourût ce Grand Chastillon.
 Pour moy, ie dis que c'est dommage
 D'auoir perdu ce personnage,
 Il auoit monstre sa valeur
 A plusieurs personnes d'honneur.
 Mais qui causa ce grand esclandre
 C'est Condé, qui ne veut entendre
 Ce iour ny rime ny raison,
 Et qui dedans quelque maison
 A fait mettre & feu & flame.
 N'est-ce pas pour luy vn grand blasme,
 De permettre que ses soldats
 Comme des larrons & pilards

Mettent les hommes en chemise,
 Et volent les biens de l'Eglise,
 Violent femmes & ieunes filles,
 Faisant actions inciuilles
 Telles que les Turcs & Barbares
 Ne feroient pas, ny les Tartares,
 Et ny mesme les Sarazins :
 Comme ces cruels inhumains,
 Lesquels sont bien rantez du Diable
 Faire ces chose abominables:
 Mais ie croy qu'à la fin Beaufort
 Les pourroit bien mettre à la mort,
 Comme il a desia fait plusieurs,
 Luy & ses gens estans vainqueurs
 Desia en quatre ou cinq rencontres,
 Là où il a defait ces Monstres,
 Comme iadis faisoit Hercule,
 Aucunement il ne recule:
 Car ayant l'espée à la main,
 Il tuë, frappe & abbat soudain.
 Ceux qui deuant luy se presentent
 S'en reuont l'ame mal-contente,
 Les vns ayant les bras cassez,
 Et les membres tous fracassez,
 Et les autres mordans la terre
 Detestent contre ceste guerre,

Et donnent au Diable l'Autheur
Qui nous cause vn tel malheur:
Mais mal-gré luy & sa fallace
Touſiours l'on voit punir l'audace,
Et chaſtier ſes adherans
Qui vouloient prendre nos harans,
Et empescher que les viures
Deuant Paris on ne fit ſuiure:
Mais Dieu mercy nos Generaux
En font venir tant qu'il en faut:
Car par terre & par eau,
Dedans charette & bateau
Il en vient telle quantité,
Que chacun en eſt contenté,
Et encore que ie ſois yure
Je diray fort bien que la liure
Du meilleur pain, & plus blanc
Ne vaudra plus doreſnauant
Que deux ſol, choſe aſſeurée,
I en ay entendu la ciée
Et Ordonnance aſſurement
De nos Meſſieurs du Parlement
Qui par vn Arreſt équitable,
Ont fait vne action louïable,
Faiſant exprés commandement
Aux Boulangers promptement

De cuire, chose de remarque,
 Du pain qui portera sa marque,
 Pour tesmoigner sa pesanteur,
 Son prix, & sa iuste valeur.
 Voyla la plus iuste Ordonnance
 Que iamais on ait fait en France.
 Mais à propos, disons vn peu,
 Va-t'on point esteindre ce feu,
 Ceste infame & ciuille guerre,
 Qui met tant de monde par terre?
 Oüy : on dit que la Conferance
 Est ouuerte, & que d'assurance
 Dans peu de temps asseurement
 Nous aurons quelque changement.
 Cependant le monde murmure,
 Et dit qu'à ceste ouuerture
 Mazarin est venu en poste:
 Mais on luy a fermé la porte,
 En luy disant franc & net
 Qu'on ne vouloit de son caquet.
 Voyla Lecteur en bref langage
 Mon Babillard : & mais ie gage
 Que celuy n'est bon Babillard
 Qui à la bourse n'a vn liard.

F I N.